



SLUŽBENE NOVINE

KANTONA SARAJEVO

Godina XXIX - Broj 8

Četvrtak, 29. 2. 2024. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. stav (1) tačka b), a u vezi sa čl. 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 30. i 20a. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10, 90/17 i 29/22), člana 5. stav (2), člana 9. stav (2), člana 10. st. (2) i (3), člana 14. stav (4), člana 19. stav (6), člana 20., člana 32. stav (1), člana 34. i člana 42. Zakona o pravima demobiliziranih branilaca i članova njihovih porodica ("Službene novine Federacije BiH", br. 54/19, 29/22 i 81/23) i člana 4. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06, 9/10, 90/17 i 29/22), Skupština Kantona Sarajevo, na 14. radnoj sjednici održanoj dana 26.02.2024. godine, donijela je

ZAKON

O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

Član 1.

(Dopuna člana 4.)

U Zakonu o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) u članu 4. stav (2) iza broja "56." dodaje se interpunkcijski znak "zarez" i broj "57.".

Član 2.

(Dopuna člana 23.)

U članu 23. stav (1) iza riječi: "dobitnicima ratnih priznanja i odlikovanja", dodaju se riječi: "i njihovoj djeci".

Član 3.

(Izmjena i dopuna člana 40.)

- (1) U članu 40. iza stava (1) dodaje se novi stav (2) koji glasi:
(2) Izuzetno, ukoliko ratna vojna invalidka ne ostvaruje ličnu invalidninu, već se opredijelila zbog povoljnijeg iznosa za invalidninu po osnovu statusa žene - žrtve rata, ista ukoliko ispunjava i ostale propisane uvjete iz stava (1) ovog člana, može ostvariti pravo na odgovarajući stan."

- (2) Dosadašnji stav (2) postaje stav (3).

Član 4.

(Izmjena člana 47.)

U članu 47. stav (1) mijenja se i glasi:

- "(1) Članovi porodice odnosno lice koje je snosilo troškove dženaze-sahrane za lica iz člana 1. ovog zakona sa područja Kantona, ima pravo na naknadu troškova dženaze-sahrane u visini od tri prosječne neto plaće zaposlenih u Federaciji Bosne i Hercegovine iz prethodne godine, pod uvjetom da ovo pravo nisu ostvarili po drugom osnovu pritom izuzimajući jednokratne novčane pomoći za slučaj smrti koje ne prelaze iznos od dvije prosječne neto plaće zaposlenih u Federaciji Bosne i Hercegovine iz prethodne godine."

Član 5.

(Izmjena čl. 57. i 60.)

U članu 57. st. (2) i (3) i članu 60. stav (2) riječi: "2018. godine", zamjenjuju se riječima: "prethodne godine".

Član 6.

(Dopune člana 57.)

- (1) U članu 57. u stavu (2) iza riječi: "da je bio pripadnik Oružanih snaga najmanje godinu dana", dodaju se riječi: "i da ne postoje okolnosti iz člana 36. federalnog zakona".
(2) Iza stava (3) dodaju se novi st. (4) i (5) koji glase:
(4) U prihode u smislu stava (2) ovog člana ne uračunava se naknada za tuđu njegu i pomoć ostvarena u skladu sa odredbama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 7/14 - Rješenje Ustavnog suda Bosne i Hercegovine, 45/16, 40/18 i 16/23).
(5) Ukoliko lice iz st. (2) i (3) ovog člana ispunjava uvjete za priznavanje prava na novčanu egzistencijalnu naknadu po više osnova, tada navedeno pravo može ostvariti samo po jednom osnovu po vlastitom izboru."

Član 7.

(Izmjena člana 59.)

Član 59. mijenja se i glasi:

"Član 59.

(Visina iznosa mjesečne novčane egzistencijalne naknade)

- (1) Visina iznosa mjesečne novčane egzistencijalne naknade utvrđuje se u iznosu od pet KM po mjesecu provedenom u Oružanim snagama.
- (2) Utvrđeni iznos mjesečne novčane egzistencijalne naknade iz stava (1) ovog člana usklađuje se u visini zbira 50% procenta porasta potrošačkih cijena i 50% procenta porasta realnog bruto društvenog proizvoda u Federaciji Bosne i Hercegovine u prethodnoj godini, a prema podacima Federalnog zavoda za statistiku, a najviše do stope rasta realnog bruto društvenog proizvoda u prethodnoj godini.
- (3) Iznos naknade utvrđen u skladu sa st. (1) i (2) ovog člana, na prijedlog ministra utvrđuje Vlada Kantona svojom odlukom, najmanje jednom godišnje, pri čemu iznos naknade može biti po potrebi i veći uz primjenu koeficijenta za obračun.
- (4) U slučaju negativnog kretanja potrošačkih cijena i realnog bruto društvenog proizvoda, posljednji usklađeni iznos novčane egzistencijalne naknade neće se smanjivati."

Član 8.

(Izmjena i dopune člana 60.)

- (1) U članu 60. iza stava (2) dodaju se novi st. (3), (4) i (5) koji glase:
"(3) Izuzetno, ukoliko korisnik prava na mjesečnu egzistencijalnu naknadu zasnjuje radni odnos na određeno vrijeme putem nadležne službe za posredovanje u zapošljavanju, kroz njene programe ili kod bilo kojeg poslodavca bude angažovan po osnovu ugovora o radu na određeno vrijeme, od dana zasnivanja radnog odnosa njegovo pravo miruje i obustavlja mu se isplata po ovom pravu do dana ponovnog sticanja statusa nezaposlenog lica.
- (4) Podatke o licima sa evidencije nezaposlenih koja su ostvarivala pravo na mjesečnu egzistencijalnu naknadu, a koja zasnuju radni odnos na određeno vrijeme putem nadležne službe za posredovanje u zapošljavanju, ove službe dužne su službeno dostaviti nadležnoj općinskoj službi za boračko invalidsku zaštitu.
- (5) Lice koje kod bilo kojeg poslodavca bude angažovano po osnovu ugovora o radu na određeno vrijeme, nakon zaključivanja ugovora o radu, dužno je dokaz o tome odmah dostaviti nadležnoj općinskoj službi za boračko invalidsku zaštitu."
- (2) Dosadašnji st. (3) i (4) postaju st. (6) i (7).

Član 9.

(Izmjena člana 61.)

U članu 61. stav (3) riječi: "kvartalno donosi zaključak kojim" zamjenjuju se riječima: "po potrebi, a najmanje jednom godišnje donosi odluku kojom".

Član 10.

(Izmjena člana 63.)

U članu 63. stav (2) riječi: "a ovaj iznos nakon pribavljanja podatka o visini prosječne neto plaće u prethodnoj godini za svaku budžetsku godinu utvrđuje ministar za boračka pitanja svojom odlukom" zamjenjuju se riječima: "a ovaj iznos svake budžetske godine utvrđuje se odlukom Vlade Kantona na prijedlog ministra, uz primjenu koeficijenta za obračun, a najmanje jednom godišnje, u skladu sa raspoloživim budžetskim sredstvima."

Član 11.

(Dopuna člana 67.)

U članu 67. iza riječi: "u mjesta" dodaju se riječi: "izvan Kantona".

Član 12.

(Izmjena člana 80.)

U članu 80. riječi: "i aa)" zamjenjuju se riječima: ", aa) i cc)".

Član 13.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-5972/24
26. februara 2024. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 18. stav (1) tačka m) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 119. Poslovnika Skupštine Kantona Sarajevo ("Službene novine Kantona Sarajevo", broj 14/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), člana 6. stav (2) Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), Skupština Kantona Sarajevo, na 11. radnoj sjednici održanoj dana 20.02.2024. godine, donijela je

ODLUKU**O USVAJANJU IZVJEŠTAJA O POSLOVANJU KJKP
"VODOVOD I KANALIZACIJA" D.O.O. SARAJEVO ZA
2022. GODINU**

Član 1.

Usvaja se Izvještaj o poslovanju KJKP "Vodovod i kanalizacija" d.o.o. Sarajevo za 2022. godinu.

Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-04-4912/24
20. februara 2024. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 18. stav (1) tačka m) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 119. Poslovnika Skupštine Kantona Sarajevo ("Službene novine Kantona Sarajevo", broj 14/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), člana 6. stav (2) Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), Skupština Kantona Sarajevo, na 11. radnoj sjednici održanoj dana 20.02.2024. godine, donijela je

ODLUKU**O USVAJANJU IZVJEŠTAJA O POSLOVANJU KJKP
"POKOP" D.O.O. SARAJEVO ZA 2022. GODINU**

Član 1.

Usvaja se Izvještaj o poslovanju KJKP "POKOP" d.o.o. Sarajevo za 2022. godinu.